

hæreditate ad viduas pertinebant, a Synedriis debebant impetrari. Nam si fato suo functus maritus esset, vidua accedebat ad Synedrium, petebatque ut quæ ipsi pecuniæ in contractu conjugali, quæ mostendebat, essent assignatae solverentur ab hæredibus, præterea ut de augmento dotationis constante conjugio promisso, videretur, ut &, ut viduæ de alimentatione, de vestitu ædibusque & aliis ejusmodi hæredes prospicerent, donec pecuniæ solutæ essent. De quibus videatur *Majmonides in libro de conjugio c. 12. § 13. § 18.*

§. 2.

Si autem defunctus plures reliquisset viduas, quam unam, illa primo loco capiebat a Synedrio pecunias quæ primo loco ducta erat, ut docet idem Majmonides l. c. c. 17. §. 1.

§. 3.

Quod si autem viduæ essent pauperes, tamen appellabant Synedrium, ut juvarentur, quia etiam a Synedrio vendebantur, ut ali possent vestiri que,